



OŠ „VUK KARADŽIĆ“
Novi Pazar

U Novom Pazaru, 11.01.2019.godine
RB 22-01/2019

Na osnovu člana 123. stava 8. Zakona o osnovama sistema obrazovanja i vaspitanja, ("Sl. glasnik RS", br. 88/2017 i 27/2018) člana 12. stav 1. tačka 3. Zakona o nacionalnim savetima nacionalnih manjina („Službeni glasnik RS“ br. 72/2009, 20/2014 – odluka US,55/2014 i 47/2018), i član 16. stav 1. tačka 3. Statuta Bošnjackog nacionalnog vijeća (RB 54-12/2018, od 08.12.2018.godine), a na osnovu zahtjeva OŠ „Vuk Karadžić“, Novi Pazar (RB 04-17/2019 od 04.01.2019.godine), Izvršni odbor Bošnjackog nacionalnog vijeća u Republici Srbiji je na sjednici održanoj 11.01.2019. godine donio odluku o davanju pozitivnog mišljenja na izbor direktora OŠ „Vuk Karadžić“ Novi Pazar.

I

Daje se pozitivno mišljenje na izbor **Rafete Emrović** na radno mjesto direktora OŠ „Vuk Karadžić“, Novi Pazar.

II

Mišljenje dostaviti OŠ „Vuk Karadžić“, Novi Pazar

O B R A Z L O Ž E N J E

Izvršni odbor Bošnjackog nacionalnog vijeća u Republici Srbiji je razmatrao zahtjev OŠ „Vuk Karadžić“, Novi Pazar (RB 04-17/2019 od 04.01.2019.godine), u kojem je na osnovu člana 123. Zakona o osnovama sistema obrazovanja i vaspitanja, traženo mišljenje o kandidatu za radno mjesto direktora škole. Školski odbor ove škole je raspisao konkurs za izbor direktora škole koji je objavljen u listu „Poslovi“, broj 805. od 28.11.2018. godine, u trajanju od 15 dana. Prijavu na konkurs je dostavilo dva kandidata: Faik Ahmetović iz Novog Pazara i Rafeta Emrović iz Novog Pazara. Oba kandidata ispunjavaju uslove iz konkursa shodno Zakonu o osnovama sistema obrazovanja i vaspitanja.

Nastavničko vijeće OŠ „Vuk Karadžić“ u Novom Pazaru, je na posebnoj sjednici održanoj 21.12. 2018. godine, dalo većinsku podršku kandidatu Rafeti Emrović, tajnim izjašnjavanjem, tj. dalo pozitivno mišljenje na izbor za direktora **Rafete Emrović**.

Sjednici Nastavničkog vijeća prisustvovalo je 131 zaposlenih od 135 ukupno zaposlenih. Od ukupno glasalih na posebnoj sjednici 91 zaposlenih je glasalo za kandidata Rafetu Emrović, 24 zaposlenih je glasalo za kandidata Faika Ahmetovića dok je 16 glasova bilo nevažećih.

Školski odbor OŠ „Vuk Karadžić“, uz zahtjev za dostavljanje mišljenja Bošnjačkom nacionalnom vijeću u Republici Srbiji, dostavio je kompletna dokumenta oba kandidata, izvod iz zapisnika sa posebne sjednice nastavničkog vijeća, izvještaj komisije za izbor direktora škole kao i izjavu o namjerama zalaganja za obrazovanje na bosanskom jeziku Rafete Emrović.

Imajući u vidu navedenu izjavu o namjerama za zalaganje za obrazovanje na bosanskom jeziku, Bošnjačko nacionalno vijeće u Republici Srbiji će aktivno pratiti obim i kvalitet realizacije navedene izjave, kao i sam proces izvođenja nastave na bosanskom jeziku kako u pogledu kvaliteta nastave, tako i izjašnjenja roditelja učenika o jeziku nastave, te će u skladu sa utvrđenim činjenicama i nalazima preduzeti zakonom propisane mjere.

U skladu sa članom 123. stav 8. Zakona o osnovama sistema obrazovanja i vaspitanja: *“U ustanovi u kojoj se obrazovno-vaspiti rad izvodi i na jeziku nacionalne manjine, organ upravljanja pribavlja mišljenje odgovarajućeg nacionalnog saveta nacionalne manjine.”*, Izvršni odbor Bošnjačkog nacionalnog vijeća u Republici Srbiji je donio odluku o davanju pozitivnog mišljenja na izbor Rafete Emrović na radno mjesto direktora OŠ „Vuk Karadžić“, u Novom Pazaru.

BOŠNJAČKO NACIONALNO VIJEĆE U REPUBLICI SRBIJI
Predsjednik Izvršnog odbora

